

# INUIT ATAQATIGIIT

## Inatsisartuni



5. august 2019

UKA2019/134

Inatsisartut suleriaasianni § 33 naapertorlugu aalajangiiffigisassatut siunnersuut imaattoq saqqummiuppara:

**Danskit misileraanerattut ittumik nakorsat ataasiakkaat immikkut akuersissummik piniaqqaaratik nakorsaatitut akuerisaanngitsumik cannabisimik nakorsaasiillutik nakorsaanissamik periarfissaqarlersillugit misileraanermik aallartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Peter Olsen, Inuit Ataqatigiit)

### **Tungavilersuut:**

2017 Marsimi Naalakkersuisut nakorsamit allagartalikkamik cannabisimik nakorsaammik nakorsaasiisinaanermik periarfissaq atulersippaat.<sup>1</sup>

Napparsimasoq cannabisimik nakorsaammik katsorsarneqassappat, tamanna inummut pineqartumut immikkut akuersissummik peqqaarluni ingerlanneqassaaq. Nunap immikkoortuini nunap immikkoortuani nakorsaaneq qinnuteqaammik nassitsisussaavoq. Dronning Ingridip Napparsimmavissuani immikkoortumi napparsimasup uninngaffigisaani katsorsarneqarfianiluunniit nakorsaaneq qinnuteqaammik naasitsissalluni. Qinnuteqaat lægemiddelskomiteemut nassiuqqassaaq, taakkulu akuersisoqassanersoq aalajangertarpaat.

Manna tikillugu napparsimasut ikittuinnaat cannabisimik nakorsaammik nakorsaaserneqarsimapput. Napparsimasut qulit cannabisimik nakorsaatitik nakorsaaserneqarsimasut Naalakkersuisut 2018-mi aggustusip qammataani paasissutissiissutigaa.<sup>2</sup> Tamanna napparsimasut ilaasa akornanni cannabisimik nakorsaammik nakorsaaserneqarnissamik neriuuteqartunut soqutiginnittunullu sanilliullugu annikiginarsinnaavoq.

Kalaallit Nunaanni Peqqinnissaqarfik Sundhedsstyrelsen Rigshospitalillu nakorsaatitut katsorsaariaatsinullu nutaanut kaammattuutaanut malinnikkumanerunera tamatumunnga tunuliaqutaavoq. Massakkuugallartoq

<sup>1</sup> <https://naalakkersuisut.gl/da/Naalakkersuisut/Nyheder/2017/03/240317-Medicinsk-cannabis-godkendes>

<sup>2</sup> Naalakkersuisut § 37 naapertorlugu apeqqummut akissutaat nr. 164/2018

ilisimatusarnermi paasisanik qularnaatsumik cannabisimik nakorsaatit iluaqutaanerannik uppernarsaasunik soqanngitsoq Sundhedsstyrelsen nalilerpaa, taamaammallu Rigshospitalet qaqtikkuinnaq cannabisimik nakorsaatit atortarpai, taamaallaallu piartortunut sakkortuumillu kræfteqartunut allatut katsorsarneqarsinnaanngitsunut atortarlugit.<sup>3</sup>

Danmarkimili 2018-mi cannabisimik nakorsaatit, nakorsaatitut akuerisaanngitsut ukiuni sisamani misilerarneqarnerat<sup>4</sup> atulersinneqarpoq. Cannabisimik nioqqutissiat taamaattut siusinnerusukkut Danmarkimi inerteqqutaapput.

Napparsimasut nakorsaatinik akuerisanik iluaqutserneqarsinnaasimannngitsut cannabisimik nakorsaatinik katsorsaaserlutit misiliinissaannik inatsisitigut periarfissinnissaat misileraanerup siunertaraa. Peqatigisaanillu misileraanerup naammassinerani cannabisimik nakorsaatit atorineqarnerannut misileraanermik aqqissuussinerup nalilernerneqarsinnaanut pitsaanagerusumik toqqammaveqarnissaq siunertaavoq.

Lægemiddelstyrelsen nakorsanut cannabisimik nakorsaatinik tunniussinissamut eqqarsaatersortunik ilitsersuummik<sup>5</sup> suliaqarsimavoq. Ilitsersuut ilaatigut Hollandimi, Canadami Israelimilu cannabisimik aqqissuussinernut nalilersuutinik kiisalu Europami USA-milu cannabisimik nakorsaatinik siusinnerusukkut akuersinermut tunuliaquttanik toqqammaveqarpoq. Lægemiddelstyrelsen naliliinera naapertorlugu cannabisimik nakorsaatit taamaallaat sakkortuumik noqarnermik nappaateqarneq qiteralimmilluunnit akornusersimanermi annernartumik noqartarnermi, kemoterapimik katsorsartereernermi merianngunermi kiisalu sianiutinik aallaaveqartumik anniarnermi, tassa qaratsami, qiteralimmi sianiutiniluunniit nappaateqarnermi atussallugit taamaallaat naapertuuttut ilitsersuummi atuarneqarsinnaavoq.

Misileraanernimili inatsisitigut toqqammaviup ilitsersuutilluunniit nakorsat napparsimasunut ilitsersuummi taaneqartunit allaanagerusunik nappaateqartunut cannabisimik nakorsaammik nakorsaasiisinaanerannik pinaveersimatinngilai. Akerlianillu nakorsaq kinaluunniit cannabisimik nakorsaammik tunniussinnaanermik pisussaaffilerneqanngilaq – aamma napparsimasunut nappaatinik taaneqartunik napparsimasunut.

Cannabisimik tunisassiat misileraanermi atorineqartut nakorsaatitut akuerisaanngillat. Tunisassiat ilisimatuussutsikkut misilerarneqarsimasuunngillat, tamatumalu nakorsat nakorsaatitut akuerisanisulli sunniutinik sunniutipilunnillu ilisimasaqannginnerat nassataraa.

---

<sup>3</sup> Naalakkersuisut § 37 naapertorlugu apeqqummut akissutaat nr. 164/2018

<sup>4</sup> <https://www.retsinformation.dk/Forms/R0710.aspx?id=196748>

<sup>5</sup> <https://www.retsinformation.dk/Forms/R0710.aspx?id=196792>

Nakorsap nakorsaasiinerminik annertussusiliinerminillu tamakkiisumik akisussaasuunera tamatuma nassataraa. Nakorsaq napparsimasunut ataasiakkaanut iluaqutinik sunniutipilunnulluunniit aarlerinaatinik naliliiniarnermini pappiaqqamik nakorsaammut ilanngunneqartumik tunisassianulluunniit nassuiaammik aallaavissaqanngilaq.

Danmarkimili misileraanermik taamaattumik aallartitsinissaq illersorneqarsinnaasutut isigineqarsimappat, taava Kalaallit Nunatsinni napparsimasut nakorsaatinik allanik iluaqutserneqarsinnaanngitsut cannabisimik nakorsaatinik misileraatinik atuinissamik inatsisitigut periarfissinneqannginnissaannut tungavissanik takusinnaanngilanga.

Paasisakka naapertorlugit Savalimmiuni aamma taamaaliortoqarpoq.<sup>6</sup>

Nunarsuarmioqartigiit akornanni cannabisimik nioqqutissiat napparsimajunnaarsitsisinnaaneranik iluaqutaasinnaaneranillu ilisimatusarneq ukiuni makkunani soqutigineqariartuinnarpoq. Immikkuualuttuni amerlanerni sunniutinik qularnaatsumik ersersitsisunik sulii ilisimatusarnerit inernerannik piareersimasoqanngilaq, taamaattoq ilisimatusarnerit inernerit arlallit isumalluarnarput.<sup>7</sup>

Taamaammat Naalakkersuisut nakorsat ataasiakkaat immikkut akuersissummik pissarseqqaarnatik cannabisimik nakorsaammik nakorsaatinut akuerisaanngitsumik katsorsaasiinissamut periarfissillugit, qallunaat misileraanerannut assingusumik atulersitsinissamik sulissuteqarnissaannik peqquneqarnissaat siunnersuutigaa.

Partiit allat siunnersuummik tapersiinissaat neriutigaara.

**Pisortanut aningaasaqarnikkut allaffissornikkullu kinguneqaatit** Siunnersuutip atulersinneqarnera immikkut inatsimmik atulersitsinissamik kinguneqassanganneqarpoq. Allaffissornikkut isumalluutit Naalakkersuisut siunertamut tassunga atugassaat AC-ip ukiup affaanit ukiumut ilivitsumut naammassisinnaasaata sivilisatsumik sulinerannik sivilisunerussanngitsutut naatsorsuutigineqarput.

Tamatuma saniatigut ilitsersuummik suliaqarnissaq pisariaqassanganneqarpoq. Allaffissornikkut isumalluutit Naalakkersuisut siunertamut tassunga atugassaat AC-ip ukiup affaani naammassisinnaasaanik sulinerup sivilisunerussannginneranik naatsorsuutigineqarput.

---

<sup>6</sup> Medicinsk cannabis – Vejledning til brug for Færøernes: [https://stps.dk/da/om-os/landslaek-nin/dansk-danskt/nyheder/opdatering-af-vejledning-om-medicinsk-cannabis/~/\\_media/0CB76FE12A3A4165B96D252D930B8995.ashx](https://stps.dk/da/om-os/landslaek-nin/dansk-danskt/nyheder/opdatering-af-vejledning-om-medicinsk-cannabis/~/_media/0CB76FE12A3A4165B96D252D930B8995.ashx)

<sup>7</sup> Anigorsinnaanngisaminnik anniaatillit, sininnaveerneramik ajornartorsiutillit aammalu nere-rusussuseqannginnermik nalaatallit katsorsarnerinut tamanna aamma attuumatinneqarpoq.

Misileraanerup ingerlanerani cannabisimik nakorsaasiineq  
lægemiddelskomiteemit inummut aalajangersimasumut immikkut  
akuersissummik piniaqqaarani pisoqarsinnaassaaq. Tamannalu nakorsanut  
pineqartunut lægemiddelskomiteemullu allaffissornikkut – annikitsumik –  
oqilisaanermik nassataqassaaq.

Piffissami misileraaviusumi siunnersuut nunatsinni peqqinnissaqarfiup  
cannabisimik nakorsaatinik pisiortorneranut immikkut  
aningaasartuuteqarnermik nassataqartussatut naatsorsuutigineqarpoq.  
Aningaasartuutaanerusunullu nakorsat ataasiakkaat cannabisimik nakorsaatinik  
qanoq annertutigisumik nakorsaasiinissaat apeqqutaassammat,  
aningaasartuutit qanoq annertutigiumaarnarat missingerneqarsinnaanngilaq,  
soorluttaa qanoq nakorsaasinnermi nakorsaatinik allanik pisariaqartitsineq qanoq  
annertutigisumik annikinnerulissanersoq missingerneqarsinnaanngitsoq.  
Peqqinnissaqarfiup ataatsimut nakorsaatinut aningaasartuutaanut sanilliullugu  
cannabisimik nakorsaatinik pisineq annikitsuaraannaassasoq  
missingerneqarpoq.

**Namminersorlutik inuussutissarsiortunut aningaasaqarnikkut**  
**allaffissornikkullu kinguneqaatit**  
Soqanngilaq.

**Innuttaasunut aningaasaqarnikkut allaffissornikkullu kinguneqaatit**  
Soqanngilaq.